

U povodu Dana državnosti Bosne i Hercegovine  
u Zagrebu su od 21. do 26. studenoga održani  
**DANI BOSANSKO-HERCEGOVAČKOG FILMA**



Odabrao Dželo Hadžiselimović

U sklopu proslave Dana državnosti Republike Bosne i Hercegovine, 25. studenoga, u Zagrebu se održava tradicionalna kulturna manifestacija – *Dani bosansko-hercegovačkog filma*. Inicijativu je pokrenula Bošnjačka nacionalna zajednica za grad Zagreb, a u toj inicijativi prepoznali su vrijednu ideju Grad Zagreba (Gradskog Ured za obrazovanje, kulturu i šport Grada Zagreba) i Grada Sarajevo.

Ovogodišnje *Dani...* trajali su šest dana, 21. – 26. studenoga. Na ovogodišnjoj, četvrtim *Danima bosansko-hercegovačkog filma* imali smo prigodu vidjeti jednu malu prezentaciju vrijednih filmskih ostvarenje.

Selektor programa, izbornik rekli bismo, Dželo Hadžiselimović odabrao je vrlo zanimljive filmove, od onih najsuvremenijih, premijernih – kao što su *Belvedere* Ahmeda Imamovića i *Ostavljeni* Adisa Bakrača – do onih filmova koji su proizvedeni ranijih godina, kao što su *Mali vojnici* Bate Čengića, *Jasmina* Nedžada Begovića, legendarna *Kozara* Veljka Bulajića, *Nafaka* Jasmina Durakovića, *Praznik u Sarajevu* Benjamin Filipovića, *Na putu* Jasmile Žbanić i *Crni biseri* Tome Janjića.

Imali smo čast vidjeti i dokumentarni film o 500 godina dugoj povijesti Sarajeva, u produkciji SAGE iz Sarajeva.

Ovaj svojevrsni festival bosansko-hercegovačkog filma završit će u subotu, 26. studenoga koncertom glasovite pjevačice sevdah-glazbe – Amire Medunjanin. Koncert je specijalni dar Zagrebu, a darovatelj je Grad Sarajevo.

Sve smo filmove mogli vidjeti besplatno i mogu reći da smo uživali u izboru Džele Hadžiselimovića, uostalom kao i uvijek do sada.

Donosimo nekoliko fotografija s otvaranja *Dana bosansko-hercegovačkog filma*, u ponedjeljak 21. studenoga, tek toliko da vam prenesemo ozračje u kojem smo odgledali jedan dio bosansko-hercegovačke filmske produkcije.



Zanimanje za bosansko-hercegovačke filmove bilo je doista izuzetno.



Jedan od naših najsupješnijih filmskih režisera Veljko Bulajić i dr. sc. Aziz ef. Hasanović.




Gradonačelnik Milan Bandić, Kemal Mukvić, predsjednik Bošnjačke nacionalne zajednice za Grad Zagreb i muftija Ševko ef. Omerbašić. Valja reći da je i ove godine Dane otvorio Milan Bandić.



Dvorana kina Europa bila je dupke puna, a među publikom prepoznali smo bojne uglednike iz svijeta filma i televizije: Tarik Filipović i selektor Hadžiselimović.



Među uglednicima prepoznali smo i Mersada Berbera sa suprugom Adaletom, arhitekta Faruka Muzurovića, potpredsjednika Mešihata dipl. pravnik Mirsada Srebrenikovića, prof. dr. Šemsu Tankovića, zastupnika bošnjačke manjine u Hrvatskom saboru...



I još nekoliko fotografija snimljenih na domjenku nakon što smo odgledali premijerni film *Belvedere* Ahmeda Imamovića.



Kemal Mujčić